

Ժողովուրդ

20 փետրվարի երեքշաբթի 2024
տպագրության ԺԳ տարի

21
(2871)

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՔԱՅԼԵՐ ՉԵՆ ԱՐԵԼ. ՓԱՍՏԵՐՈՎ



Արթուր Երոյան
գնդապետ

ՀՀ ՋՈՒ գլխավոր շտաբի պետի տեղակալի պաշտոնում նշանակվել է 2024 թվականի փետրվարի 13-ին

ՀՀ ՋՈՒ ԳՇ ՕՂԵՐԱՏԻՎ
ԳԼԽԱՎՈՐ ՎԱՐՉՈՒԹՅԱՆ
ՊԵՏ - ՀՀ ՋՈՒ ԳՇ ՊԵՏԻ
ՏԵՂԱԿԱԼ




Կարեն Գրիգորյան
գեներալ-մայոր

ՀՀ ՋՈՒ գլխավոր շտաբի պետի տեղակալի պաշտոնում նշանակվել է 2024 թվականի փետրվարի 14-ին

Ինչու՞ Ներքին Յանտի հայկական դիրքերի ուղղությամբ արդրեջանական կրակի հետեանքով հայկական կողմի 4 զոհից հետո Պաշտպանության նախարարությունը ԳՇ պետի տեղակալների նշանակման կամ նրանց փոփոխության մասին մտածեց, ինչո՞վ էին մինչ այս զբաղված ՊՆ-ում, երբ մեր երկիրը պատերազմի մեջ է: Ինչպես հայտնի է, փետրվարի 13-ին Ներքին Յանտի հայկական դիրքերի ուղղությամբ արդրեջանական կրակի հետեանքով հայկական կողմը ունեցավ 4 զոհ, 1 վիրավոր: Պարզվում է՝ դեպքից հետո ՊՆ-ում սկսվել են կադրային նշանակումներ ու փոփոխություններ: Կամո Քոչոնցը ազատվեց ԳՇ պետի տեղակալի պաշտոնից, եւ նրա փոխարեն ՊՆ ԳՇ պետի տեղակալ նշանակվեց Արթուր Երոյանը: Մինչ այդ պատերազմող երկրում ԳՇ պետի տեղակալի երկու պաշտոն տեսական ժամանակ շարունակում էին թափուր մնալ, ու ՊՆ-ում սթափվեցին այն բանից հետո, երբ Ներքին Յանտի հայկական դիրքերի ուղղությամբ արդրեջանական կրակի հետեանքով հայկական կողմը ունեցավ 4 զոհ, ու մեկը մյուսի հետեից սկսեցին նշանակումներ կատարել: Մասնավորապես, 2024 թվականի փետրվարի 14-ին ՀՀ ՋՈՒ գլխավոր շտաբի պետի տեղակալ նշանակվեց Կարեն Գրիգորյանը: Ստացվում է, որ մինչև դժբախտությունը մեր դուռը չի հասնում, գործում քայլեր չեն իրականացնում կոռումպացված իշխանությունները:

Երեւանի ավագանու «Հանրային ծայր» խմբակցությունում խառն են չեն կողմնորոշվում ինչպես վարվել ավագանու անդամի իրենց մանդատների հետ: «Հանրային ծայր» խմբակցության անդամ Նանա Սարգսյանը վերջերս հայտարարել էր պատրաստվում է վայր դնել ավագանու մանդատը: «Ժողովուրդ» օրաթերթը տեղեկացավ, որ հիմա էլ նա մտափոխվել է ու չի պատրաստվում դեռ վայր դնել մանդատը: «Առաջիկայում չեն պատրաստվում վայր դնել մանդատս, դեռ կպահեմ այն. երբ հարմար կգտնեմ, կդնեմ», -ահա այսպես արձագանքեց նա «Ժողովուրդ» օրաթերթի հարցին: Նշենք, որ այս խմբակցությունը ավագանիում ամենափոքր ներկայացվածությունն ունեցող ֆրակցիան է, որն ունի ընդամենը 6 անդամ, որոնցից Արտակ Գալստյանը կալանավորված է, ուստի չի կարող մասնակցել նիստերին, Տիգրան Ուրիխանյանի նկատմամբ հանրային քրեական հետախուզում է հարուցված, նա հետախուզման մեջ է, Անուշ Գինոսյանն էլ հայտարարել է, որ դուրս է գալիս «Հանրային ծայր»-ից ու շարունակելու է հանդես գալ որպես ավագանու անկախ անդամ: Փաստացի ստացվում է, որ այս պահի դրությամբ ֆրակցիան ավագանիում ներկայացված է ընդամենը 3 հոգով:



Բարձրագույն դատական խորհրդի նախագահ Կարեն Անդրեասյանը պատրաստ է գնալ Ազգային ժողով էլ հանդիպել իշխանական պատգամավորների հետ, բայց դեռ հրավեր չունի: Ինչպես հայտնի է, դատական դեպարտամենտի հրապարակած սկանդալային տեսանյութից հետո ԱԺ ԲՊ իշխող խմբակցության պատգամավորները պատրաստվում են ԲԴԻ նախագահ Կարեն Անդրեասյանին կանչել ԱԺ պարզաբանումների: Խոսքը «Ռեբերտ Քոչոնյանի, Սերժ Սարգսյանի եւ այլ գործերի տապալման մեղավորները, բացահայտում դատական իշխանությունից» վերնագրով տեսանյութի մասին է, որտեղ Բարձրագույն դատական խորհրդի աշխատակազմը մեղադրում է առանձին դատավորների եւ փաստաբանների՝ նախկին նախագահների եւ բարձրաստիճանի այլ պաշտոնյաների դատավարությունների ձգձգման համար: Տեսանյութում ակնհայտորեն թիրախավորելով դատավորներին ու փաստաբաններին՝ ԲԴԻ-ն փորձում է արդարանալ հանրային հետաքրքրություն ներկայացնող դատական մի շարք գործերի բացահայտման ծախսողման համար: Հավանաբար, ԲԴԻ նախագահ Կարեն Անդրեասյանն ինքնազուտի է գործել ու նման խայտառակ տեսանյութ պատրաստելու պատվեր է տվել, հիմա իշխանականները որոշել են փակ հանդիպման կանչել Անդրեասյանին՝ պարզաբանումներ ստանալու: «Ժողովուրդ» օրաթերթը դիմեց Բարձրագույն դատական խորհրդի՝ հասկանալու համար, թե Կարեն Անդրեասյանը ստացել է արդյոք Ազգային ժողովից հրավեր եւ պատրաստ է արդյոք գնալ ԱԺ ու հանդիպել ԲԴԻ-ականներին: Ի պատասխան՝ ԲԴԻ խոսնակ Լիլիթ Շաբոյանը հայտնեց, որ դեռեւս շատ վաղուց Ազգային ժողովի անբինից ԲԴԻ նախագահ Կարեն Անդրեասյանը մինչ տեսանյութի հրապարակումը հայտնել էր, որ պատրաստ է ԱԺ բոլոր ֆրակցիաների հետ թե՛ բաց, թե՛ փակ քննարկումների, բայց դեռեւս հրավեր չի ստացել:



Այսօր՝ փետրվարի 20-ին, լրանում է արցախյան ազգային-ազատագրական պայքարի՝ Ղարաբաղյան շարժման 36-րդ տարին: 1988 թվականի փետրվարի 20-ին արցախահայությունը որոշում կայացրեց դուրս գալ արդրեջանական ԽՍՀ-ի կազմից՝ միավորվելով Հայաստանին: Արցախյան շարժումը հաղթանակի ու պայքարի մի նոր էջ բացեց հայ ժողովրդի պատմության մեջ: Այսօր՝ 36 տարի անց, ունենք մի իրավիճակ, երբ Արցախը լքված է, հայաթափված ու թշնամու արյունարբու ձեռքերում: Երեւանում եւ Ստեփանակերտում արցախյան շարժման օրը տարբեր միջոցառումներ են մշտապես կազմակերպվել: Չնայած ցավոտ հանգամանքների բերումով ստեղծված իրավիճակին՝ այս տարի էլ որոշ միջոցառումներ կլինեն Երեւանում: «Ժողովուրդ» օրաթերթը տեղեկացավ, որ Արցախի ԱԺ բոլոր խմբակցությունները եւ կառավարությունը վաղ առավոտյան այցելելու են Եռաբլուր՝ հարգանքի տուրք մատուցելու նահատակների հիշատակին: Այնուհետեւ ՀՀ-ում Արցախի ներկայացուցչությունում տեղի կունենա հանդիպում-քննարկում՝ Արցախի ներկա եւ նախկին պատգամավորների մասնակցությամբ: Արցախի խորհրդարանը նաեւ հայտարարությամբ հանդես կգա: Ինչ վերաբերում է Հայաստանի իշխանություններին, թերեւս զարմանալի չէ. նրանց օրակարգում արդեն վաղուց Արցախի հարց չկա, ուստի որեւէ հատուկ միջոցառում չեն նախատեսում: Փոխարենը երեկոյան մեծ հանրահավաք է նախաձեռնել «Միասին»՝ այլընտրանքային հասարակական-քաղաքական շարժումը Ազատության հրապարակում՝ նվիրված արցախյան շարժման հերթական տարեդարձին: Հանրահավաքի հիմնական պահանջը լինելու է գործող իշխանությունների հրաժարականը: Ինչպես մեզ փոխանցեցին, հանրահավաքին մասնակցելու են նաեւ Հայաստանի եւ Արցախի ընդդիմադիր պատգամավորները, ինչպես նաեւ քաղաքական հայտնի գործիչներ:



«ԱՄԵՐԻԱԲԱՆԿ»

ԱՆՏԵՂԻ ԸՆԿՆԱԲԿՈՒՄ՝ ԲԱՆԿԻ ԸՈՒՐՁ

Փետրվարի 19-ին «Ամերիաբանկ»-ն ու BOGG PLC-ն գրեթե միաժամանակ հայաստանյայտում ստեղծեցին հաստատված վերջին օրերին ՀՀ ֆինանսաբանկային ոլորտի ամենամեծ փոփոխությունը...

Այս հայտարարությունը, սակայն, կրկին լայն քննարկումների տեղիք տվեց ու մի շարք հարցեր բարձրացրեց, որոնց պատասխանները ստանալու համար «Ժողովուրդ» օրաթերթը պաշտոնական հարցում ուղարկեց «Ամերիաբանկ»-ին:

Ռուբեն Վարդանյանն արդեն քանի ամիս է, ինչ գտնվում է Բաքվի բանտում: Ինչպե՞ս կարող է իրականանալ բանկի սեփականատերերի փոփոխություն, առանց ամենախոշոր սեփականատիրոջ ներկայության:

Նախ նշենք, որ բանակցությունները սկիզբ են առել դեռ երկու տարի առաջ: Բացի այդ, պարոն Ռուբեն Վարդանյանն ուղղակիորեն չի հանդիսանում «Ամերիաբանկ»-ի բաժնետեր: «Ամերիաբանկ»-ի 48.82% բաժնետեր է «Իմաստ Գրուպ»-ը, որում էլ Ռուբեն Վարդանյանի բաժնետերը հանձնված է հավատարմագրային կառավարման:

«Իմաստ Գրուպ»-ը «Ամերիաբանկ»-ի հինգ բաժնետերերից մեկն է: Բանկի բաժնետերերի կազմում են նաև Վերակառուցման եւ զարգացման եվրոպական բանկը, Ասիական զարգացման բանկը, «Աֆեյան» հիմնադրամը:

Արդյոք «Ամերիաբանկ»-ը կվաճակվի որպես հայկական բանկ իր նույն իրավակազմակերպական կարգավիճակով:

Այս հնարավոր գործարքը ենթադրում է միայն բաժնետիրական կազմի փոփոխություն:



«Ամերիաբանկ»-ը՝ որպես ՀՀ առաջատար եւ լավագույն կորպորատիվ կառավարման համակարգ ունեցող բիզնես կառույց, մշտապես եղել է պոտենցիալ ներդրողների ու շահադրույթային կենտրոնում: Մյուս կողմից՝ հետագա ընդլայնման, երկարաժամկետ զարգացման եւ միջազգային ասպարեզ դուրս գալու նպատակով բանկը պարբերաբար դիտարկել է համագործակցության առաջարկներ: Բաժնետիրական կազմի փոփոխության մասով բանակցությունները սկսվել են դեռ երկու տարի առաջ:

«Ամերիաբանկ»-ը՝ որպես ՀՀ առաջատար եւ լավագույն կորպորատիվ կառավարման համակարգ ունեցող բիզնես կառույց, մշտապես եղել է պոտենցիալ ներդրողների ու շահադրույթային կենտրոնում: Մյուս կողմից՝ հետագա ընդլայնման, երկարաժամկետ զարգացման եւ միջազգային ասպարեզ դուրս գալու նպատակով բանկը պարբերաբար դիտարկել է համագործակցության առաջարկներ: Բաժնետիրական կազմի փոփոխության մասով բանակցությունները սկսվել են դեռ երկու տարի առաջ:

Ռուբեն Վարդանյանն արդեն քանի ամիս է, ինչ գտնվում է Բաքվի բանտում: Ինչպե՞ս կարող է իրականանալ բանկի սեփականատերերի փոփոխություն, առանց ամենախոշոր սեփականատիրոջ ներկայության:


Անկախ այս գործընթացի ելքից՝ «Ամերիաբանկ»-ը շարունակելու է դիմադրել զարգացմանն ու աճին միտված իր ծրագրերի իրագործումը:

Զրուցեց ՔՐԻՍՏԻՆԱ ՄՈՒՇԵՂՅԱՆԸ

Pegasus

ՀՄԿԵԼՈՒ ՄԱՍՇՏԱԲՆԵՐԸ ՄԵԾ ԵՆ

Լեհաստանի հասույթ ծառայությունները կարող են օգտագործվել ինչպես իսրայելական Pegasus լրտեսական ծրագիրը երկրում ավելի քան 100 քաղաքական գործիչների խոսակցությունները գաղտնալսելու համար: Այս մասին հեղեկանում են «SUSU» գործակալությունից:



Ըստ հրապարակված Super Express թերթին տված հարցազրույցում Լեհաստանի հետախուզական ծառայությունների համակարգող Նախարար Տոմաշ Սեմինյակը հայտնել է, որ Pegasus-ի օգտագործմամբ քաղաքական գործիչներին հսկելու մասշտաբներն «ավելի մեծ էին, քան նշվել էր ասեկոսներում, որոնցում խոսվում էր մի քանի կամ մի քանի տասնյակ մարդու մասին»:

Նախարարը հայտնել է, որ Արդարադատության նախարարության ղեկավար Ադամ Բոդնարի հետ միասին կձգտի հասնել այն բանին, որ հրապարակի այն մարդկանց ցուցակը, որոնց գաղտնալսել են հատուկ ծառայությունները:

Ավելի վաղ Սեյմի (Լեհաստանի խորհրդարանի ստորին պալատ) պատգամավոր եւ լրտեսական Pegasus ծրագրի կիրառումը հետաքննող խորհրդարանական հանձնաժողովի անդամ Մարչին Բոսակին հայտարարել էր, որ խոսք կարող է լինել հարյուրից ավելի անձանց մասին:


Փետրվարի 13-ին Լեհաստանի վարչապետ Դոնալդ Տուսկը նախագահ Անժեյ Դուդայի հետ անցկացված նախարարների կաբինետի խորհրդակցության ժամանակ հաստատել էր Pegasus-ի լայն օգտագործումը երկրում: Տուսկը նախագահին էր փոխանցել լրտեսական ծրագրի գնումը, ինչպես նաև դրա օրինական եւ անօրինական օգտագործման մասին փաստաթուղթ: Տուսկն ընդգծել էր, որ գաղտնալսումներից տուժած քաղաքական գործիչների ցուցակը շատ մեծ է: Ինչպես ավելի վաղ հայտնել էր RMF FM ռադիոկայանը, վկայակոչելով սեփական հետաքննությունը, լեհական հետախուզական ծառայությունները գաղտնալսել են «Իրավունք եւ արդարություն» կուսակցության անդամ Մատեուշ Մորավեցկիի հեռախոսազրույցները, երբ նա զբաղեցնում էր վարչապետի պաշտոնը (2017-2023 թթ.), ինչպես նաև իշխող կուսակցության եւս շուրջ 30 քաղաքական գործիչների: Գաղտնալսվել են նաև գործող կառավարության ներկայացուցիչները, որոնք այն ժամանակ ընդդիմադիր էին:

Ավելի վաղ Տուսկի կառավարությունը որոշում էր ընդունել նախորդ կառավարության օրոք լրտեսական ծրագրի ենթադրյալ օգտագործման շուրջ հետաքննություն անցկացնել: Օրենսդիրները հաստատել են դրանով զբաղվող հանձնաժողովի կազմը: Հանձնաժողովի առաջին նիստը նախատեսված էր փետրվարի 19-ին:

Զ. ՄՈՒՇԵՂՅԱՆ



ՉԵՆ ՀԱՎԱՏՈՒՄ ԴՆԹ-Ի ԱՐԴՅՈՒՆՔՆԵՐԻՆ



Ասիտ կորած զինծառայողների ծնողները, որոնք հրաժարվում են ընդունել ԴՆԹ թեստերի արդյունքները, երեկ գնացել են Հակակոռուպցիոն կոմիտեի եւ պահանջել են կոմիտեի ղեկավար Սասուն Խաչատրյանին հանդիպել իրենց հետ:

«Ժողովուրդ» օրաթերթին ծնողները հայտնեցին, որ 4 զինվորի ծնողի ընդունել է կոմիտեի ղեկավարի տեղակալը ու լսել նրանց բողոքը:

Իսկ ինչից դրդված են ծնողները հասել Հակակոռուպցիոն կոմիտեի: Վերջիններս մեզ հետ զրույցում հայտնեցին, որ մասնակցի տեղեկանալով, որ Դատաբաժնական գիտագործնական կենտրոնի տնօրեն Սիեր Բիշարյանի դեմ հարուցված քրեական գործ կա՝ շտապել են Հակակոռուպցիոն կոմիտեի, որ հասկանան, թե արդյոք քրեական գործը հարուցվել է 44-օրյա պատերազմում զոհված իրենց երեխաների ԴՆԹ եզրակացությունների խայտառակ դեպքերի հետ, ինչի մասին իրենց տարիներ շարունակ բարձրաձայնում են: Եղել է նախադեպ, երբ զինվորի ծնողին տվել են երեք ձեռք՝ հայտարարելով, որ այդ երեք ձեռքն էլ զոհված որդուն են: Մեկ այլ ծնողի դեպքում էլ, 43 համարի կոշիկ հագնող ու բարձրահասակ զինվորի ԴՆԹ-ի փոխարեն, 1,60 հասակով զինվորի ԴՆԹ են նույնականացրել եւ այսպես շարունակ:

Արդյունքում պատերազմի մասնակցի զինվորների ծնողներին Հակակոռուպցիոն կոմիտեի ղեկավար կազմը բացատրել է, որ իրենք քննություն են իրականացնում ԴՆԹ նույնականացման փորձաքննությունների համար նախատեսված սարքավորումների ձեռք բերման նպատակով դեռեւս երեքուկես տարի առաջ կնքված կասկածելի գործարքի շուրջ եւ իրենց մատնանշած դեպքերով քննություն չեն իրականացնում: Այսինքն՝ ծնողների բողոքը չի դարձել մեղադրանքի հիմք:

«Ժողովուրդ» օրաթերթին ծնողները հայտնեցին, որ կրկին հուսահատված լքել են Հակակոռուպցիոն կոմիտեն, քանի որ գործ է քննվում ոչ թե տարիներ շարունակ իրենց բարձրաձայնած դեպքերի շուրջ, այլ միանգամայն այլ գործընթացների հետ կապված:

Նշենք, որ Դատաբաժնական գիտագործնական կենտրոնի տնօրեն Սիեր Բիշարյանը, որը նախօրեին ձեռքալավել էր պաշտոնական դիրքի չարաշահման, պաշտոնական կեղծիքի մեղադրանքով, ԴՆԹ նույնականացման սարքերի ձեռք բերման գործով Հակակոռուպցիոն դատարանի որոշմամբ ազատ է արձակվել:

ԶՊԵՏՔ Է ԿԵՂԾՎԻ

«ՄԵՐ ՆԵՐՔԻՆ ԳՈՐԾՆ Է»

ՉՈՐ ՀԱՇՎԱՐԿԵՐ՝ ՄԵՂԱՆԻՆ

Վարչապետ Նիկոլ Փաշինյանը խոսեց Լեռնային Ղարաբաղի հարցում չոր հաշվարկների եւ իր պատասխանատվության մասին:

Փաշինյանն այս մասին խոսեց Մյունխենի եւ հարակից շրջանների հայ համայնքի ներկայացուցիչների հետ հանդիպմանը՝ արձագանքելով այն հարցին, թե չի կարծում արդյոք, որ միջին վիճակագրական քաղաքացին, գուցե, ունի հարցերին իր արիզմայով, իր տեսանկյունից նայելու հնարավորությունը, բայց նաեւ քաղաքական գործչի կարողությունն այն է, որ չոր հաշվարկներով եւ էմոցիոնալ դաշտից դուրս գտնվելով՝ կարողանա ճիշտ որոշումներ կայացնել:

Փաշինյանը պատասխանեց, որ կան իրավիճակներ, երբ չոր հաշվարկը սեղանին դրված է, եւ դու, դրան նայելով, բախվում ես անհնարիության զգացման:

«Մեր կուսակցական ժողովներից մեկում ասացի՝ մեզ հանցագործությունների մեջ մեղադրում են, բայց եթե ինձ հարցնեն, մեր հանցագործությունն ուրիշ բանի մեջ է. մեր հանցագործությունը Ձեր ասած չոր հաշվարկն է, որ մենք չեկանք, ժողովրդին չասացինք, որ ժողովուրդը, եկեք խոստովանենք, թե ինքնորոշում (Լեռնային Ղարաբաղի-խմբ.) ինչ է նշանակում», - ասաց Փաշինյանը:

Հարցին, թե անընդհատ խոսում է ժողովրդի մասին, բայց ինքը պատասխանատու չի զգում արդյոք այդ հարցում, Նիկոլ Փաշինյանը պատասխանեց.

«Բա ի՞նչ եմ անում, որ չեմ զգում պատասխանատու: Բայց նաեւ նույն ժողովուրդն էր, որ 2018-ին արեց անսխալ դեպ մի բան, որն ամբողջ աշխարհին զարմացրեց: Եվ, երեւի, մեր թիմի մեծ սխալն այն էր, որ մենք հեղափոխությունից հետո հեղափոխություն չարեցինք, այդ թվում՝ Ղարաբաղի հարցում: Չնայած հիմա էլ, որ քննարկում ենք, թիմի ներսում դիմադրության ենք հանդիպում: Մեր թիմում շատ ենք խոսում այդ մասին. բոլորն ասում են՝ դա անհնար էր»:

ԵՐԹՈՒՂՈՒ ԳԻԼԵՄԱՆ

«Աշխատանքներ են տարվում Ադրբեջանից Հայաստանի տարածքով Նախիջևան երթուղի բացելու ուղղությամբ, սակայն կա նաեւ այլընտրանքային տարբերակ Իրանի տարածքով», - Hurriyet թերթին ասել է Թուրքիայի տրանսպորտի նախարար Աբդուլքադիր Ուրալօղլուն:

«Հայաստանով անցնող երթուղու երկարությամբ աշխատանքներ են տարվում: Նրա երկարությունը 43 կիլոմետր է: Բայց եթե հայկական կողմում խնդիրներ կան, ապա Ադրբեջանը կապեր ունի նաեւ Իրանի հետ՝ Իրանի տարածքով միջանցքն անցնելու հնարավորության հետ կապված», - նշել է Ուրալօղլուն:

Նրա խոսքով՝ այժմ դիտարկվում է երկու տարբերակ էլ: Հարցին, թե ինչ փուլում է շինարարությունը, թուրք պաշտոնյան ասել է, որ ադրբեջանական կողմը շարունակում է շինարարական աշխատանքները իր տարածքում: Մրցույթ է հայտարարվել նաեւ Թուրքիայից Նախիջևան ճանապարհի կառուցման համար:

«Հայաստանում Սահմանադրությունը կփոխվի, եթե ժողովրդի մեծամասնությունն այդպես որոշի. Սահմանադրության փոփոխության մտադրությունը միայն Հայաստանի ներքին գործն է, կաղված է ներքին հարցերի կազմակերպման, կարգավորման հետ», - ԱԺ-ում լրագրողների հետ զրույցում վստահեցրեց իշխանական «Քաղաքացիական դաշմանակիր» խմբակցության ղազաճավոր Գեորգ Պատոյանը:

Անդրադառնալով Հայաստանի Սահմանադրությունը փոխելու վերաբերյալ Ադրբեջանի պահանջների վերաբերյալ հարցին՝ Պատոյանն ասաց. «Հայաստանի Հանրապետության Սահմանադրությունը կփոխենք, թե ոչ, մեր ներքին գործն է: Սահմանադրությունը փոխելու շատ հստակ սուբյեկտներ կան, որոնք ինչ-որ դեպքերում կարող են այդ փոփոխություններն անել: Դա Հայաստանի Սահմանադրության մեջ փոփոխություն անելու կամ Սահմանադրությունը փոխելու իրավունք ունեցող սուբյեկտների եւ սահմանադրի՝ ժողովրդի որոշելիքն է: Եվ դա բացարձակապես կապված է Հայաստանի ներքին հարցերի կազմակերպման, կարգավորման հետ: Դա որեւէ կերպ չի կարող կապ ունենալ որեւէ երկրի պահանջների հետ, դա անթույլատրելի է, այդպես չի լինելու, վստահաբար ասում եմ»:

Պատգամավորն ընդգծեց՝ եթե ՀՀ-ում կիսավաճվի ընտրական իրավունք ունեցող մարդկանց նվազագույնը 25 տոկոսից ավելի զանգված, եւ նրանց քվեարկությունը 50 եւ ավելի տոկոսով կլինի կողմ, ապա Հայաստանում կփոխվի Սահմանադրություն: Եթե չի հավաքվի, ապա Սահմանադրություն չի փոխվի:

«Սա նշանակում է, որ Հայաստանում Սահմանադրությունը փոխելու է ժողովուրդը: Եթե կլինի այնպիսի բան, որի հետ ժողովուրդը խնդիր ունի, կողմ չի քվեարկի», - ասաց Պատոյանը:

Պատգամավորը շատ էական հանգամանք համարեց այն, որ ՀՀ-ում 2018 թվականից հետո ընտրություններ չեն



կեղծվել եւ չեն կեղծվելու: «Եթե այդ գործընթացը տեղի ունենա, պետք է հաշտ լինենք դրա հետ, եթե չընդունվի, կրկին պետք է հաշտ լինենք: Անթույլատրելի է, որ 1 քվե կեղծվի, չպետք է կեղծվի 1 քվե. ես ինքս պայքարելու եմ, որ որեւէ քվե չկեղծվի», - ասաց Պատոյանը:

Վարչապետ Նիկոլ Փաշինյանը հունվարին հայտարարել էր, որ Հայաստանը կարիք ունի նոր Սահմանադրության: Ըստ նրա՝ Հայաստանը պետք է ունենա Սահմանադրություն, որը Հայաստանի Հանրապետությունն ավելի մրցունակ եւ ավելի կենսունակ է դարձնում աշխար-

հաքաղաքական եւ ռեգիոնալ նոր պայմաններում:

Օրերս Ադրբեջանի նախագահ Իլհամ Ալիևը հայտարարել էր, որ Հայաստանի հետ խաղաղության պայմանագիր չի լինի, եթե Հայաստանը չփոխի իր Սահմանադրությունը: Դրան ի պատասխան՝ ՀՀ վարչապետի մամուլի քարտուղար Նազելի Բաղդասարյանը հայտարարել էր, որ Սահմանադրությունը փոխելը Հայաստանի ներքին գործն է, եւ որեւէ արտաքին ուժ իրավունք չունի միջամտել Հայաստանի ներքին գործերին:

ՍՈՍԱ ԳՐԻԳՈՐՅԱՆ

ԱՆՑՈՒՂԱՐԶ

«ԴԱ ՄԵՐ ՏԵՍԼԱԿԱՆՆ Է»

Ռուսաստանի խաղաղապահ զորախմբի՝ Լեռնային Ղարաբաղում տեղակայման նպատակը ԼՂ հայությանը պաշտպանելն էր: Այդ իմաստով այն, որ Լեռնային Ղարաբաղում հայ չկա, ՀՀ վարչապետ Նիկոլ Փաշինյանը նաեւ ռուսական խաղաղապահ զորախմբի պատասխանատվությունն է համարում:

Մյունխենի եւ հարակից շրջանների հայ համայնքի ներկայացուցիչների հետ հանդիպմանը Փաշինյանն այս մասին խոսել է՝ անդրադառնալով 2020 թվականի նոյեմբերի 9-ի եռակողմ հայտարարությանը եւ «Զանգեզուրի միջանցքի» մասին Ադրբեջանի խոսույթին:

«2020 թվականի նոյեմբերի 9-ի եռակողմ հայտարարության 9-րդ կետում չկա որեւէ բան, որ միջանցք է անցնելու Հայաստանի տարածքով. հնարավոր չէ դա գտնել: Չկա այդպիսի բան, որ որեւէ այլ երկիր ՀՀ որեւէ տարածք վերահսկելու է: Խոսք է գնում տարածաշրջանային կոմունիկացիաների մասին:

Դուք գիտեք նաեւ, որ մեր դիրքորոշումը ամբողջական ներկայացնելու համար ստեղծել եւ առաջարկել ենք «խաղաղու-

թյան խաչմերուկ» նախագիծը: Դա մեր տեսլականն է», - ասել է Փաշինյանը:

Ինչ վերաբերում է վտանգներին, վարչապետը նշել է, որ Ադրբեջանի ղեկավարի օգտագործած խոսույթն արդեն ազդանշան է դրանց առկայության մասին:

«Ինչպե՞ս է պետք դիմակայել այդ վտանգներին: Առաջին հերթին դա (վտանգները-խմբ.) նաեւ միջազգային հարաբերություններում պետք է կառավարել: «Խաղաղության խաչմերուկ» ստեղծման պատճառներից մեկը ո՞րն է. Ադրբեջանը փորձում էր տպավորություն ստեղծել, թե մենք չենք ուզում ճանապարհի տալ որեւէ մեկին:

Այն, ինչ խոսվում է, թե Ռուսաստանը պետք է մեր տարածքում որեւէ բան վերահսկի, 9-րդ կետում չկա գրած, էլ չեմ ասում, որ եռակողմ հայտարարության այն մնացած կետերը, ըստ էության, Ադրբեջանը եւ ՌԴ-ն ճղել-զցել են մի կողմ: Այդ 9-րդ կետին հղումն արդեն էլ արդիական չէ, որովհետեւ եւ ՌԴ-ն, եւ Ադրբեջանը նախորդ կետերով իրենց պարտավորությունները ամբողջությամբ խախտել են. այսօր Լեռնային Ղարաբաղում հայ չկա:

Դա նաեւ Լեռնային Ղարաբաղում տեղակայված ռուսական խաղաղապահ զորախմբի պատասխանատվությունն է, որի

տեղակայման նպատակը Լեռնային Ղարաբաղի հայությանը պաշտպանելն էր», - եզրափակեց Փաշինյանը:

ՉԵՆ ԸՆՆԱՐԿԵԼ

Ազգային ժողովի ֆինանսավարկային եւ բյուջետային հարցերի մշտական հանձնաժողովի նախագահ Գեորգ Պատոյանը Էկոնոմիկայի նախարարի պաշտոնում նշանակվելու առաջարկ չի ստացել:

Պատոյանն այս մասին ասաց ԱԺ-ում լրագրողների հետ զրույցում՝ անդրադառնալով քննարկումներին, թե նախարարի պաշտոնի համար քննարկվում է իր անունը:

Ըստ Պատոյանի տեղեկության՝ այս պահին նախարարի նշանակման մասով որոշում չկա, «Քաղաքացիական պայմանագիր» կուսակցությունում չեն էլ քննարկել հարցը, բայց կքննարկեն:

Անդրադառնալով իր նշանակման վերաբերյալ քննարկումներին՝ նա ասաց. «Նման առաջարկ ես չեմ ստացել: Ես ԱԺ-ում եմ, աշխատում եմ»:

Ըստ նրա՝ ԱԺ հանձնաժողովի աշխատանքը պակաս պատասխանատու չէ, քան նախարարի աշխատանքը:

ԲԱՅԱՍԱԿԱՆ ԿԱՐԾԻՔ

ԳՐՊԱՆԻՆ ԸՆԲՎԱԾՈՂ ՆԱԽԱԳԻԾ

2024 թվականի հունվարի 18-ին Իրավական ակտերի նախագծերի հրատարակման միասնական հարթակում e-draft.am-ում ֆինանսավորում էր «Հայաստանի Հանրապետության հարկային օրենսգրքում փոփոխություններ եւ լրացումներ կատարելու մասին» ՀՀ օրենքի նախագիծը: Նախագծի ֆինանսական ժամկետն ավարտվել է, սակայն այն որևէ դրական արձագանք չի ստացել:



Բանն այն է, որ նախագծով առաջարկվում է, որ նոտարական, փաստաբանական եւ վիճակահարչի կազմակերպման գործունեությամբ զբաղվող անձինք իրենց գործունեությունն իրականացնեն շրջանառության հարկի համակարգում: ArmLur.am-ը գրուցել է փաստաբան Արա Զահրաբյանի հետ, որը համարում է, որ սա քաղաքացու գրպանին հարվածելու եւս մեկ նախագիծ է:

գրասենյակներից եւ գործող փաստաբաններից ընդամենը մի քանիսը, որոնք տոկոսային հարաբերակցությամբ 4 % էլ չեն կազմում գործող փաստաբանների եւ փաստաբանական բիզնեսների շրջանում: Ստացվում է՝ այդ 4%-ն անուղղակի առավելություն է ստանալու, իսկ մյուսները ստիպված են լինելու ծառայությունների արժեքը թանկացնել եւ հայտնվել վատ մրցակցային դաշտում»:

Օգտատեր Կարեն Մեծլումյանն էլ գրում է. «Առաջարկում են օրինագիծը հանել շրջանառությունից»:

Օգտատեր Գարիկ Մուսայեյանը գրում է. «Այս օրենսդրական նախագիծը հարկային կարգավորման ոլորտի հետ անուղղակի (երկրորդային) առնչություն ունի, իսկ դրա առաջնային (չորրորդակ) նպատակն է անձանց գրկել իրավական պաշտպանություն հայցելու հնարավորությունից: Անգամ հիմա հասարակության զգալի մասին որակյալ իրավաբանական (փաստաբանական) ծառայությունները հասանելի չեն, քանի որ այդ ծառայությունները մատչելի չեն: Ավելին է, որ այս նախագծի ընդունման արդյունքում դրանց գներն էլ ավելի կբարձրանան»:

Փաստաբան Արա Զոհրաբյանն ասաց՝ անհավասար վիճակ կարող է ստեղծվել

փոքր փաստաբանական գրասենյակների եւ անհատ ձեռնարկատերերի համար՝ ի տարբերություն խոշոր գրասենյակների: Փաստաբանը կարծում է, որ սա քայլ է, որով իշխանությունները ցանկանում են ավելի շատ գումար տանել պետական բյուջե, առանց հաշվի առնելու փաստաբանական գործունեության իրավապաշտպան բնույթը:

«Այս նախագծի ֆիսկալ ազդեցությունը կասկածելի է: Իրավաբանական անձ հաճախորդների դեպքում ավելացված արժեքի հարկ չի ավելանա պետության մոտ, քանի որ այդ հաճախորդները փաստաբանին վճարած ԱԱՀ-ն կհաշվանցեն: Կավելանա միայն ֆիզիկական անձ հաճախորդների դեպքում: Այսպիսի նախագիծ շրջանառության մեջ դնելուց առաջ պետք է վիճակագրական թվերով ցույց տային, թե ինչ վիճակ է տիրում փաստաբանական շուկայում, եւ ինչ ֆիսկալ ազդեցություն կունենա այս նախագիծը»,- հավելել է Զոհրաբյանը:

Փաստաբանների պալատի նախագահ Սիմոն Բաբայանը համակարգում է այս նախագծի դեմ փաստաբանների գործողությունները: Քննարկումներ են եղել, գործողություններ են հղվել:

ՔՆՍՐ ՄԱՆՈՒԿՅԱՆ

ԿԱ ՏՈՒԺԱԾ

ՀՐԱԶԵՆԻ ԳՈՐԾԱԳՐՈՒՄ

ArmLur.am-ին հայտնի դարձավ, որ Արթուր Արամի Առաքելյանին մեղադրանք է առաջադրվել այն բանի համար, որ նա դեռեւս քննությանը չպարզված օրը ինքնությունը չպարզված անձից ապօրինի կերպով ձեռք է բերել եւ պահել հրազեն հանդիսացող ակոսափող ինքնաձիգ՝ իր փամփշտատուփով, գործարանային արտադրության, ռազմամթերք հանդիսացող մարտական փամփուշտներ եւ ապօրինի կերպով փոխադրել ու կրել է իր վրա, որի գործարարմամբ հորեղբորը՝ Արշակ Առաքելյանին պաշտպանելու նպատակով 2023 թվականի օգոստոսի 31-ին՝ ժամը 16:10-ի սահմաններում, գտնվելով Վանաձոր քաղաքի Երեւանյան խճուղու 116 հասցեում գործող սզո սրահից դեպի Դիլիջան քաղաքի ուղղությամբ 42 մետր հեռավորության վրա, բազմաթիվ կրակոցներ է արձակել հրազենների գործարարմամբ Արշակ Առաքելյանին ուղղակի դիտավորությամբ ապօրինի կյանքից զրկելու փորձ կատարած Ալիկ Յովսեփյանի եւ Նարեկ Յովհաննիսյանի ուղղությամբ, ինչի արդյունքում հիշյալ ինքնաձիգից արձակված մեկ կրակոցի հետեւանքով գնդակն անդրադարձի ենթարկվելով դիպել է Արթուր Ալիխանյանի ձախ ազդրին՝ վերջինիս առողջությանն անզուգույթյամբ պատճառելով միջին ծանրության վնաս:

Shamshyan.com-ը գրել էր, որ ոստիկաններն ու քննիչները դեպքի վայրում հայտնաբերել էին տարբեր տեսակի հրազեններից կրակված 9 պարկուճ, ու մինչ դեպքի վայրում աշխատում էր քննչական խումբը, «Վանաձոր» բժշկական կենտրոնից ոստիկանության Բազումի բաժին ահազանգ է ստացվել, որ ոտքի մասում հրազենային վնասվածքներով մի քաղաքացի է բերվել իրենց մոտ: Հիվանդանոց մեկնած ոստիկանության Բազումի բաժնի օպերատիվ խմբին բժիշկները հայտնել են, որ վիրավորը վիրահատարանում է եւ ի վիճակի չէ կատարվածի մասին բացատրություն տալու: Դեպքի փաստով Լոռու մարզային քննչական վարչությունում ՀՀ քրեական օրենսգրքի մի քանի հոդվածներով նախաձեռնվել է քրեական վարույթ: Ոստիկանությունն ու քննչական բաժինը պարզում են վիրավորի ինքնությունը, եւ արդյոք այլ տուժած կամ տուժածներ կան, թե ոչ: Ծանրանի տեղեկություններով՝ դեպքի վայրում օգտագործվել է «Տետ», «Մակարով» տեսակի ատրճանակներ եւ ինքնաձիգ:

Ըստ ձեռք բերված փաստական տվյալների՝ Վանաձոր քաղաքի բնակիչ Ալիկ Յ.-ն, լարված, անբարյացկամ փոխհարաբերությունների մեջ է գտնվել Եղեգնուտ գյուղի բնակիչ Արշակ Առ-ի հետ ավտոմեքենան վերջինիս եղբորորդու՝ Արթուր Առ-ի վարած ավտոմեքենայի ուղղությամբ վարելու, իրեն ու ընկերոջը՝ Նարեկ Յ.-ին հայիռյելու, ինչպես նաեւ անձնական այլ հարցի պատճառով:

Գործով նախաքննությունն ավարտվել է, եւ այն ուղարկվել է դատարան: Ք. ՄԱՆՈՒԿՅԱՆ

ՎԱՐՈՒՅՑ

Ո՞Վ Է ԲՆՆԵԼՈՒ ԲՐԳՈՐԾԸ

ArmLur.am-ին հայտնի դարձավ, թե ով է ֆինանսավորում Ձինված ուժերի գլխավոր շաբաթի դեմ նախկին սեղակալ Տիրան Խաչատրյանի ֆրեական գործը: Վերջինս դասավոր Գիանա Վուկեյանն է: ՀՀ զինված ուժերի գլխավոր շաբաթի դեմ նախկին սեղակալ Տիրան Խաչատրյանի մասնակցությամբ սեղի ունեցած միջադեպի ֆրեական գործը ավարտական փուլին է մտնում, ասել է թե՛ նախաֆինանսական մարմինն առաջիկայում նախաֆինանսության ավարտ կհայտարարի:

թյան նախարարի նախկին տեղակալ, գնդապետ Գարրի Սաֆարյանի որդուն՝ Ակսեն Սաֆարյանին:

Հավելենք, որ ԼՂՀ պաշտպանության նախարարի նախկին տեղակալ, գնդապետ Գարրի Սաֆարյանին եւ նրա տիկնոջը՝ Ռիտա Բաղդասարյանին, հրավիրել են Գլխավոր դատախազություն: Նրանք ծանուցագիր էին ստացել, որ ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունում իրենց պատկանող գույքի առնչությամբ իրականացվում է ուսումնասիրություն, որի արդյունքում կազմվել է ամփոփագիր: Ծանուցագիրը ստանալու պահից՝ մեկ ամսվա ընթացքում, պետք է ներկայանալ Ապօրինի ծագում ունեցող գույքի բռնագանձման գործերով վարչություն՝ ծանոթանալու գործի նյութերին, ներկայացնելու դիրքորոշում, ինչպես նաեւ հայտարարագիր:

Բանն այն է, որ «Վերածնունդ» ՍՊՈ-ն ներառված է եղել Ստեփանակերտում բարեկարգման աշխատանք իրականացնող ընկերությունների թվում. այն 2020 թվականի դրությամբ 263 մլն 981 հազար դրամի աշխատանքներ է իրականացրել: Ընկերության 50.3 տոկոսը պատկանում է գնդապետ Գարրի Սաֆարյանին, 49.7 տոկոսը՝ նրա կնոջը՝ Ռիտա Բաղդասարյանին:

Բարձրաստիճան պաշտոնատար անձանց գույքի, եկամուտների եւ փոխկապակցված անձանց հայտարարագրերում Սաֆարյան Գարրին եւ Բաղդասարյան Ռիտան 2013-2017 թվականներին, աշխատավարձից բացի, այլ եկամուտ չեն ներկայացրել: Թե ինչ գույքերի առնչվող հարցերով են նրանք հրավիրվել Ապօրինի ծագում ունեցող գույքի բռնագանձման գործերով վարչություն, բաց աղբյուրում նշված չէ:

Ք. ՄԱՆՈՒԿՅԱՆ

● Ըստ ոստիկանության տվյալների՝ փետրվարի 16-ից 19-ը ՀՀ ՆԳՆ ոստիկանության ստորաբաժանումները բացահայտել են հանցագործության 171 դեպք, որոնցից 9-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԾԵՐ ԸՆԵՐ՝ ԳԻԼԻՔԱՆՈՒՄ

Տարիստական Դիլիջան քաղաքում թափառում են անտեր շների խմբեր: Բազմաթիվ են դեպքերը, երբ սոված, ագրեսիվ, անտեր շները հարձակվել են դիլիջանցիների, այդ թվում՝ երեխաների վրա, վնասվածքներ պատճառել: Դիլիջանցի շատ մայրեր անհանգստանում են, մինչև իրենց երեխան դպրոցից բարեհաջող տուն է վերադառնում: Դիլիջանի բնակիչները հայտնեցին, որ տուրիստական քաղաքի անտեր, թափառող շները ավելացել են՝ դրսից բերված շների հաշվին: Դիլիջանցիները մի քանի ազամ տեսել են, որ Լոռու մարզի Լեռ-մունտովի և Ֆիոլետովի գյուղերի բնակիչները տեղափոխում, ավտոմեքենայից Դիլիջանում բաց են թողնում իրենց ծերացած շներին:

ԳՊՐՈՑՆԵՐ ԿԵԱՌՈՒՑՎԵՆ

Տավուշի մարզպետ Յայկ Ղալումյանին հարցում ենք ուղարկել՝ հարցնելով թե «300 դպրոց եւ 500 մանկապարտեզ» ծրագրի շրջանակներում Տավուշի որ բնակավայրերում են կառուցվում դպրոցների և մանկապարտեզների շենքեր, որքան են կազմում այդ ծրագրերի արժեքները, երբ են դրանք գործարկվելու: Մարզպետարանից հայտնել են, որ ներկայումս Գանձաքար գյուղում կառուցվում է 480 աշակերտի համար նախատեսված միջնակարգ դպրոցի նոր շենք, ծրագրի արժեքը՝ 1 միլիարդ 822 միլիոն 20 500 դրամ, շենքը կգործարկվի 2024թ. հուլիսին: Կիրանց գյուղում 100 աշակերտի միջնակարգ դպրոցի մոդուլային շենքի կառուցման արժեքը 680 միլիոն դրամ է, նախատեսված է շահագործման հանձնել 2024 թվականի մարտին: Դովեղում 100 աշակերտի համար նախատեսված միջնակարգ դպրոցի մոդուլային շենքը կառուցվում է 782 միլիոն դրամ ֆինանսավորմամբ, նախատեսվում է գործարկել 2025թ. դեկտեմբերին: Նախագծային ավարտական փուլում է 250 աշակերտի համար նախատեսված Նավուրի միջնակարգ մոդուլային դպրոցի շինարարության ծրագիրը: Նախագծային փուլում է 432 աշակերտի համար նախատեսված Այրում քաղաքի միջնակարգ դպրոցի կառուցման ծրագիրը: Մրցութային փուլում են նաև 432-ական աշակերտի համար նախատեսված Բագրատաշենի թիվ 1 և Արծվաբերդի թիվ 1 միջնակարգ դպրոցների շինարարության ծրագրերը, նաև 350-ական աշակերտի համար նախատեսված Կոթիի միջնակարգ դպրոցի, Կողբի թիվ 1 միջնակարգ և Սեւթարի միջնակարգ դպրոցների շենքերի կառուցման ծրագրերը: Այդ շենքերի շինարարության մեկնարկը կտրվի 2024թ.-ին, իսկ 288 աշակերտի համար նախատեսված Այգեձորի միջնակարգ դպրոցի շինարարության մեկնարկը կլինի 2025թ.-ին: 150 սանի համար նախատեսված Աղավնավանքի կրթահամալիրի, 250 սանի համար նախատեսված Պտղավանի կրթահամալիրի, 300 սանի համար նախատեսված Ոսկեվանի կրթահամալիրի, 400 սանի համար նախատեսված Լուսաձորի կրթահամալիրի, 500 սանի համար նախատեսված Նորաշենի կրթահամալիրի շենքերի կառուցումը նախատեսված է սկսել 2024թ.-ին:

ՆՍԿՆԻ ՄԱՐԶՅԱՆ Տավուշ

ԿԱՆԱԶ ՌԻՍՈՒՑՈՒՄ

ԲԱՐԵՓՈՒԽՈՒՄՆԵՐ՝ ԿՐԹՈՒԹՅԱՆ ՈՂՈՐՏՈՒՄ

ՀՀ կրթության, գիտության, մշակույթի և սպորտի նախարար Ժաննա Անդրեասյանը մասնակցել է «Էրազմուս+» բարձրագույն կրթության ոլորտում կարողությունների զարգացման «Մանկավարժական կրթության փոխակերպումը հանուն կանաչ և թվային անցման Հայաստանում և Մոլդովայում» ծրագրի մեկնարկին:



ԿԳՄՍ-ից հայտնում են, որ միջոցառմանը ներկա են եղել նաև ԿԳՄՍ նախարարի տեղակալ Արաքսիա Սվաջյանը, Հայաստանում ԵՄ պատվիրակության համագործակցության բաժնի ղեկավար Ֆրանկ Յեսսը, Հայաստանում «Էրազմուս+» ծրագրի ազգային գրասենյակի համակարգող Լանա Կառլովան, բուհերի ներկայացուցիչներ, դասախոսներ, ուսանողներ:

Ծրագրի նպատակն է բարեփոխել մանկավարժական կրթությունը Հայաստանում անցում կատարելով ավանդականից դեպի ապագային միտված ուսումնական ծրագրերի և ուսուցման մեթոդների, դեպի համարակրթության ազգային նպատակների իրագործում կանաչ և թվային ուսուցման միջոցով:

Ծրագրի տևողությունը 3 տարի է. ֆինանսավորումն ամբողջությամբ իրականացվում է Եվրամիության «Էրազմուս» ծրագրի շրջանակում: Վերանայվելու և ամբողջովին վերափոխվելու է բակալավրի, մագիստրոսական 5-ական և 2 կարճաժամկետ ծրագիր:

Ծրագրի համակարգողը Խ. Աբովյանի անվան հայկական պետական մանկավարժական համալսարանն է, գործընկեր բուհերն են ԵՊՀ-ն և Ծիրակի պետական համալսարանը, ինչպես նաև երկու մանկավարժական բուհ Մոլդովայից, որոնք ծրագրի հիմնական շահառուներն են: Ծրագրի շրջանակում նախատեսվում է մշակել ուսուցչի մասնագիտության հայեցակարգը՝ 2027-2035 թվականների համար:

ՀՀ կրթության, գիտության, մշակույթի և սպորտի նախարար Ժաննա Անդրեասյանը շնորհավորել է կարելու ծրագրի մեկնարկի առիթով և ընդգծել՝ կրթության ոլորտի մեծածավալ բարեփոխումները պահանջում են, որպեսզի այդ փոփոխություններն ունենան իրենց տրամաբանական արտացոլումը մանկավարժական կրթության հայեցակարգում և բովանդակության մեջ:

«Մանկավարժական կրթության բարեփոխումը խիստ առանցքային խնդիր է. շատ բան կարող է փոխվել, բայց դպրոցում ամենակարևոր մարդը շարունակում է մնալ ուսուցիչը, որի ազդեցությունը երեխաների և կրթական արդյունքի ու բովանդակության վրա անգնահատելի է:

Անցափ կարելու է, որ մանկավարժական կրթության որակն ու բովանդակությունը համահունչ լինեն ժամանակակից մարտահրավերներին»,- ասել է Ժաննա Անդրեասյանը՝ շնորհակալություն հայտնելով կարելու նախաձեռնության հեղինակներին:

ԿԳՄՍ նախարարը նաև ընդգծել է ծրագրի կարելու ոլորտում կրթության ոլորտի մեկ այլ մակարդակի՝ բարձրագույն կրթության բարեփոխումների հայեցակարգում: Նրա գնահատմամբ՝ ամենակարևոր աշխատանքը բարձրագույն կրթության վերափոխումն է, որպեսզի այն դառնա մրցունակ, միջազգայնորեն ճանաչելի և համադրելի: Այս համատեքստում Ժաննա Անդրեասյանը կարելու է այն հանգամանքը, որ ծրագիրն իրականացվելու է 5 գործընկեր բուհերի հետ համագործակցությամբ և ՀԳՄՍ համակարգմամբ:

«Սա շատ կարևոր աշխատանք է, որն ի սկզբանե աջակցելու է թե՛ միջազգայնացմանը, թե՛ բարձրագույն կրթության որակական փոփոխությանը: Կրթության ոլորտի բարեփոխումների առանցքում բարձրագույն կրթությունն ունի առանցքային նշանակություն: Այս իմաստով հատկապես կարևոր է ծրագրի շրջանակում մշակվելիք մանկավարժական կրթության հայեցակարգը, որը, կարծում եմ, ուղենշային փաստաթուղթ կդառնա մեր երկրում: Ոչ միայն՝ մանկավարժական կրթության կազմակերպման և առաջնորդման համար»,- ասել է Ժաննա Անդրեասյանը՝ հայտնելով նախարարության պատրաստակամությունն աջակցելու ծրագրի ընթացքին:

Ծրագրի մեկնարկի առիթով ներկայներին ողջունել է նաև ԿԳՄՍ նախարարի տեղակալ Արաքսիա Սվաջյանը՝ ընդգծելով. «Այսօր դպրոցը և մանկավարժությունը

նր մարտահրավերային փուլում են. գտնվելով տեխնոլոգիական հեղափոխության ժամանակաշրջանում, երբ ամեն ինչ շատ արագ է զարգանում, դպրոցը և ուսուցիչը պետք է հասցնեն համընթաց քայլեր: Հետևաբար, ուսուցչի դերը, նրա կողմից կիրառվող մեթոդները, դասի կառավարման իրականացումը բոլորովին այլ սկզբունքների վրա պետք է հիմնված լինեն»,- ասել է նախարարի տեղակալը՝ վստահություն հայտնելով, որ ծրագրի շրջանակում իրականացվող բոլոր գործողությունները միտված են լինելու ուսուցիչների՝ անհրաժեշտ հմտություններով ու կարողություններով զինմանը:

Խ. Աբովյանի անվան մանկավարժական համալսարանի ռեկտոր Սրբուհի Գեւորգյանի խոսքով՝ հատուկ վերափոխման են վերանայման են ենթարկվելու 3 հիմնական ուղղություններ՝ օտար լեզուների, հատուկ և ներառական մանկավարժության, ԲՏԾՄ առարկաների ոլորտների բոլոր ծրագրային մոտեցումները և մեթոդները, որոնց համար կծեւալորվի հստակ գործիքակազմ:

Հայաստանում ԵՄ պատվիրակության համագործակցության բաժնի ղեկավար Ֆրանկ Յեսսն իր հերթին նշել է, որ ծրագրի շրջանակում իրականացվող կանաչ և թվային կրթությունն ապահովում է հասարակության կայուն զարգացումը, ինչն էլ առնչվում է մանկավարժական կրթության հիմնահարցերին:

Հայաստանում «Էրազմուս+» ծրագրի ազգային գրասենյակի համակարգող Լանա Կառլովան, կարելու էլով մանկավարժների գործունեությունը, հույս է հայտնել, որ ծրագիրը կօգնի ուսուցիչներին իրենց աշխատանքն ավելի հստակ և արդյունավետ կազմակերպել:

ՆՍԿՆԻ ՄԱՐԶՅԱՆ

ԱՅՈՒՆԱԳ

ԱՊՕՐԻՆԻ ԸՆԿՆԱՐԱՐՈՒԹՅՈՒՆ

Երեւանի ընդհանուր իրավասության դասարանում փետրվարի 22-ին կկայանա «Օրրան» բարեգործական կազմակերպության հարեւանությանը կառուցվող շենքի շինարարական աշխատանքների ազդեցիկ վերացման դահանջով նախնական նիստը:

Վարչական և երեսակի քաղաքացիական դատարանները կայացրել էին որոշ

ում, որով պարտադրել էին կառուցապատողին կատարել ապօրինի շինարարությունը: Որոշումը, սակայն, բողոքարկվել էր պատասխանող կողմի՝ կառուցապատողի կողմից:

«Օրրան»-ը 2023թ. դեկտեմբերի 11-ին հրավիրել էր մամուլի ասուլիս՝ ահազանգելու իր հարեւանությանը կառուցվող ապօրինի շինարարության մասին, որը, խախտելով օրենքով սահմանված թույլ

լատրելի 6 մետր հեռավորությունը, կառուցվում է 1,6 մետր հեռավորության վրա՝ վտանգի տակ դնելով ամեն օր «Օրրան» հաճախող հարյուրավոր երեխաների, աշխատակիցների և հյուրերի կյանքը:

Բարեգործական կազմակերպությունն արդեն 23 տարի ամենօրյա օգնություն է ցուցաբերում կարիքավոր ընտանիքների, երեխաների և տարեցների:

Ն. ՄԱՐԶՅԱՆ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 41 պատահար. 2 մարդ զոհվել է, 69-ը՝ ստացել տարբեր աստիճանի մարմնական վնասվածքներ:

ՀՈԳԵՎՈՐ

ՎԵՐԱՊԱՏՐԱՍՏՄԱՆ ԳԱՍԸՆԹԱՑՆԵՐ՝ ԵՆԵՂԵՑՈՒՄ

Փետրվարի 19-ին Ն.Ա.Օ.Տ.Տ. Գարեգին Երկրորդ Ծայրագույն Պատրիարք է ամենայն Հայոց Կաթողիկոսը Մայր Աթոռ Սուրբ Էջմիածնում հանդիպեց հերթական երեքշաբաթյա վերապատրաստման դասընթացներին մասնակից քահանաներին, որոնք ժամանել էին Հայաստանի եւ Սփյուռքի տարբեր թեմերից:

Մայր Աթոռից հայտնում են, որ Մայր Աթոռ Սուրբ Էջմիածնի «Գարեգին Ա» կրթական կենտրոնի տնօրեն Գերաշնորհ Ս. Վահան եպիսկոպոս Հովհաննիսյանը, հայցելով Նորին Արքայական օրհնությունը, տեղեկություններ փոխանցեց վերապատրաստման դասընթացների ընթացքի վերաբերյալ:

Այնուհետև Նորին Արքայությունը, իր հայրական օրհնությունը բերելով հոգեւոր հայրերին, կարեւորեց վերապատրաստման այս դասընթացները, որոնք հնարավորություն են ընձեռում տարբեր թեմերից ժամանած հոգեւորականներին համախմբվելու Մայր Աթոռում, իրենց ուխտը վերանորոգելու, հոգեւոր փորձառությամբ փոխանակվելու, ինչպես նաեւ քննարկելու Եկեղեցու եւ հասարակության առջեւ ծառայած արդի մարտահրավերները եւ դրանց հաղթահարման ուղիները:

Հայոց Հայրապետը հորդորեց եկեղեցականներին ամենայն ջանք ի գործ դնել ազգին, հայրենիքին ու Եկեղեցուն այս ծանր ու դժվարին օրերին առավել ջանասիրաբար ծառայելու համար: Այս առնչությամբ Նորին Արքայությունը պատգամեց քահանա հայրերին հավուր պատշաճի արձագանքել ազգային կյանքում տեղ գտնող անցանկալի երեւոյթներին՝ նպաստելով առկա դժվարությունների հաղթահարմանը:

Անդրադառնալով սփյուռքի հայորդիների՝ Հայրենիքին բերած աջակցությանը՝ Նորին Արքայությունն ի մասնավորի սփյուռքում ծառայող եկեղեցականներին հորդորեց իրենց համայնքների միջոցով տեղի իշխանություններին առջեւ բարձրաձայնել Հայաստանի եւ տեղահանված արցախահայության առջեւ ծառայած մարտահրավերները:

Հայոց հովվապետը կարեւոր նկատեց նաեւ հոգեւորականների գործունե մասնակցությունը հայորդիների կրթության եւ դաստիարակության գործում:

Հանդիպմանը վերապատրաստման դասընթացներին մասնակից հոգեւորականների անունից Ամենայն Հայոց Հայրապետին ողջունեց Արարատյան Հայրապետական թեմի Երեւանի Նոր Նորքի Սուրբ Ասրգիս Եկեղեցու հոգեւոր հովիվ Արժանապատիվ Ս. Նորայր ավագ քահանա Բաղդասարյանը: Տեր հայրն իր երախտագիտությունը հայտնեց Հայոց Հովվապետին դասընթացների կազմակերպման համար՝ վստահեցնելով, որ դրանք իրենց օգտակարությունն են բերում քահանա հայրերի հովվական ծառայությանն առավել արդյունավորման գործում:

34 ՀԱՅՏ

ՄԱՆԿԱՊԱՐՏԵԶՆԵՐԻ ԿԱՌՈՒՑՄԱՆ ԾՐԱԳՐԵՐ

Մանկապարտեզների կառուցման, հիմնադրաման ու վերակառուցման սուբվենցիոն ծրագրերի օրջանակներում այս օրի արդեն 34 հայ է ներկայացվել:

Այս մասին տեղեկացրեց ՀՀ տարածքային կառավարման եւ ենթակառուցվածքների նախարար Գնել Սանոսյանը՝ ընդգծելով, որ սուբվենցիոն ծրագրերով մանկապարտեզների կառուցման ծրագրերի համար կառավարությունը համաֆինանսավորման իր մասնաբաժինը հասցրել է 70 տոկոսի, իսկ սահմանափակումները դեպքում մինչեւ 85 տոկոսի:

Նրա խոսքով՝ ներկայում շինարարական տարբեր փուլերում են գտնվում 100-ից ավելի մանկապարտեզներ, որոնց մի մասն ավարտական փուլում է, մի մասը՝ գույքի ձեռք բերման, մյուսները՝ մրցութային կամ շինարարության:

Անդրադառնալով սուբվենցիոն ծրագրերով իրականացվող շինարարության վերահսկողության խնդիրներին՝ Սանոսյանը նշեց, որ այդ գործառնությունը պատվիրատուն պատվիրակում է տեխնիկական վերահսկողություն իրականացնող ընկերությանը. ընդ որում՝ պետք է իրականացվի շինարարության հեղինակային եւ տեխնիկական հսկողություն:

Առաջինի դեպքում նախագծող պետք է հսկի, որ կառուցապատումն իրականացվի իր նախագծի համաձայն, իսկ երկրորդի դեպքում տեխնիկական վերահսկողություն իրականացնողն է հիմնական հսկողը:

«Այս պրոցեսում, իսկապես, տարբեր խնդիրներ ունենք: Հաճախ մտածում են, որ պետք է համայնքապետարանը, մարզապետարանը, նախարարությունները, կոմիտեները, այլ գերատեսչություններն անընդհատ հսկեն, երբ իրականում հսկող մարմինը կամ կառուցող մրցույթով ընտրված կազմակերպություն է: Ինչո՞ւ ենք մենք ակնկալում, որ համայնքապետը,



մարզպետը, նախարարը, մյուս գործընկերները հսկեն. որովհետեւ իրականության մեջ մենք խնդիր ունենք հսկող կազմակերպությունների հետ», - պարզաբանեց գերատեսչության ղեկավարը:

Նրա խոսքով՝ պարտականությունները պատշաճ չկատարելու դեպքում հսկող կազմակերպությունների համար նախատեսված են տույժ-տուգանքներ՝ ընդհուպ պայմանագրի խզում կամ տվյալ ընկերությանը «սեւ ցուցակ» ուղարկելու գործընթաց:

Այդուհանդերձ, ըստ Սանոսյանի, խնդիրները դրանից չեն պակասում, քանի որ դրանք լրացուցիչ իրավական, դատական գործընթացներ են:

«Դաշտի չկայացած լինելը, ընկերությունների պակասը բերում է նրան, որ պետական մարմինները հաճախ սկսում են շինարարության հսկողի դեր ստանձնել: Այս խնդիրները հաշվի առնելով՝ ե՛ս շինարարության փուլում, ե՛ս ավարտի, ինչպես նաեւ երաշխիքային ժամկետի փուլում մշտադիտարկման գործընթաց են իրա-

կանացնում թե՛ նախարարության, թե՛ մարզապետարանի, թե՛ համայնքապետարանի եւ տեսչական մարմնի աշխատակիցները: Նրանք միասին շրջայցեր են իրականացնում շինարարության տարբեր փուլերում, որպեսզի կարողանան տեսնել, թե ինչ է կատարվում: Եվ ցավով պետք է արձանագրել, որ, այո, հաճախ նաեւ թերություններ, խախտումներ են հայտնաբերվում, եւ հայտնաբերված խնդիրը պատճառ է դառնում, որ չլճարենք, որոշակի գործընթաց սկսենք ու զգուշացնենք շինարարներին, ինչն առաջին հայացքից մեր ընդհանուր աշխատանքների մեջ պետք է չլիներ», - հավելեց նախարարը՝ հայտնելով, որ

եթե հայտնաբերված թերությունները շտկելի են, ապա ժամանակ է տրվում այն վերացնելու համար, իսկ անշտկելի խնդիրները ենթադրում են իրավական այլ գործընթացներ:

ԷՄՍՍ ՄԻՔԱՅՆԵՆԱՍ

ՀԱՅՏԱՐԱՐՈՒԹՅՈՒՆՆԵՐ

Table with 2 columns: ԱՃՈՒՐԻ ՄԱՍԻՆ ՀԱՅՏԱՐԱՐՈՒԹՅՈՒՆ and ԳՐԱՊՈՐԱՎԱՅԻՆ ԾԱՆՈՒՑՈՒՄ. Lists economic indicators and statistics for Armenia.

Table with 2 columns: ԱՃՈՒՐԻ ՄԱՍԻՆ ՀԱՅՏԱՐԱՐՈՒԹՅՈՒՆ and ԳՐԱՊՈՐԱՎԱՅԻՆ ԾԱՆՈՒՑՈՒՄ. Lists economic indicators and statistics for Armenia.

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:



Էջը՝ ՄԱՌԻԱՍ ԴԱՆԻԵԼՅԱՆԻ

ՍՈՑԻԱԼԱԿԱՆ

ՀԱՐՑ. Ես ուզում եմ իմանալ՝ ինչ է միանվագ վճարը: Ինչի՞ հիման վրա է վճարվում այն: Համլետ Պետրոսյան (66 տարեկան)



ՊԱՏԱՍԽԱՆ. Հ. Պետրոսյանի հարցին ի պատասխան՝ տեղեկացնում ենք, որ միանվագ վճարը կենսաթոշակային տարիքը լրանալուց հետո անձի կենսաթոշակային հաշվում առկա միջոցներն ամբողջապես մասնակցին միանգամից վճարելն է:

Եթե մասնակցի՝ կուտակային միջոցները հավասարաչափ ամսական վճարների վերածելու դեպքում ամսական գումարը փոքր է հիմնական կենսաթոշակի 75 տոկոսից կամ հավասար է դրան, ապա մասնակցին իրավունք ունի կուտակած միջոցները ստանալ միանվագ վճարների ձևով: Բացի դրանից, եթե մասնակցի՝ կուտակային միջոցները հավասարաչափ ամսական վճարների վերածելու դեպքում ամսական գումարը գերազանցում է հիմնական կենսաթոշակի հնգապատիկը, ապա մասնակցը պարտավոր է կնքել հիմնական կենսաթոշակի հնգապատիկն ապահովող անուիտետի պայմանագիր, իսկ մնացած մասը կարող է ստանալ միանվագ վճարի տեսքով:

Բացի վերը նշվածը՝ կենսաթոշակային հաշվում առկա միջոցները միանվագ վճարի ձևով վճարվում են նաեւ՝

1. մասնակցի՝ նախքան կենսաթոշակային տարիքը լրանալը աշխատանքային գործունեությամբ զբաղվելու կարողության երրորդ աստիճանի սահմանափակում ունեցող հաշմանդամ ճանաչվելու դեպքում,

2. մասնակցի՝ ծայրահեղ ծանր վիճակում գտնվելու եւ կենսական կարելու օրգանների անբուժելի ախտահարումով հիվանդ լինելու դեպքում:

Կենսաթոշակային համակարգի իրազեկման կենտրոն

«ԺՈՂՎՈՒՐԳ». Նպաստը նշանակելու եւ վճարելու վերաբերյալ որոշում կայացնելու դեպքում նպաստի՝ ուղղակի վճարվող գումարը գրանցվում է հաջորդ ամսվա վճարման ցուցակներում:

ՎՃԱՐՆԵՐ

ՀԱՐՑ. Խնդրում եմ ասել՝ եթե հասարակական կազմակերպությունը ֆիզիկական անձին կրթաթուղթ է տալիս, ապա արդյո՞ք եկամտային հարկի դարձվորություն առաջանո՞ւմ է: Սուսանա Վարդանյան (53 տարեկան)



ՊԱՏԱՍԽԱՆ. Տեղեկացնում ենք, որ համաձայն «Եկամտային հարկի մասին» Հայաստանի Հանրապետության օրենքի 6-րդ հոդվածի 1-ին մասի 18 կետի՝ նվազեցվող եկամուտներ են համարվում բարձրագույն ուսումնական հաստատությունների ուսանողներին, ասպիրանտներին, միջնակարգ-մասնագիտական ու պրոֆեսիոնալ-տեխնիկական ուսումնական հաստատությունների սովորողներին, հոգեւոր ուսումնական հաստատությունների ունկնդիրներին պետության կողմից վճարված, ինչպես նաեւ այն կրթաթոշակները, որոնք նրանց համար նշանակվում են այդ ուսումնական հաստատությունները կամ նշված հոդվածի 1-ին մասի 14-րդ եւ 15-րդ կետերում նշված կազմակերպությունները:

Այսինքն՝ հասարակական կազմակերպության կողմից ֆիզիկական անձին նշանակված կրթաթոշակը նվազեցվող եկամուտ է հանդիսանում, եւ եկամտային հարկի պարտավորություն չի առաջանում:

Հայաստանի Հանրապետության պետական եկամուտների կոմիտե

«ԺՈՂՎՈՒՐԳ». Ավելացնենք, որ հարկային գործակալները պարտավոր են ֆիզիկական անձանց պահանջով նրանց տրամադրել հաշվարկված եւ վճարված եկամուտների, պահված հարկի գումարների վճարումների մասին տեղեկանքներ:

ԼՈՒՐ ԿԱԴՐ

Լուսանկարը՝ համացանցից



Համայնքին մատակարարված 30 նոր ավտոբուսները շուտով կհամալրեն Երեւանյան երթուղիները:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	0 + 1 + 3 + 6	☾	Արարատ	+ 4 + 7 + 12 + 14
☾	Կոտայքի լեռներ	0 - 3 + 2 + 5	☾	Արմավիր	+ 4 + 7 + 11 + 13
☾	Կոտայքի նախալեռներ	+ 4 + 6 + 7 + 10	☾	Վայոց ձորի լեռներ	- 1 - 5 + 2 + 4
☾	Գեղարքունիք	- 3 + 1 + 2 + 6	☾	Վայոց ձորի նախալեռներ	+ 5 + 7 + 10 + 14
☾	Լոռի	- 1 + 2 + 2 + 5	☾	Սյունիքի հովիտներ	+ 2 + 5 + 8 + 11
☾	Տավուշ	0 + 5 + 3 + 7	☾	Սյունիքի նախալեռներ	- 1 + 2 + 3 + 5
☾	Արագածոտնի լեռներ	0 - 3 + 2 + 4	☾	ԼՂՀ	- 1 + 3 + 3 + 6
☾	Արագածոտնի նախալեռներ	+ 4 + 7 + 8 + 12	☾	Երեւան	+ 8 + 10 + 13 + 15

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 19.2.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: